

REFERAT NNA - Nuummi Najukkami Ataatsimiititaq d. 06-05-2019

Mødedato Mandag d. 06. maj 2019 kl. 20:30

Mødested Ataatsimiittarfik 1

Indholdsfortegnelse

Saqqaa.....	3
Ullormut oqaluuserisassat akuerineqarneri.....	4
Nalunaarutit.....	5
Ilisimatitsissutit.....	6
2019-imi aningaasaliissutit atugassanngortinneqarsimasut pillugit killiffik.....	7
Aalajangiiffigisassat.....	10
Qinnuteqaat– Digitalimik nalinginnaasumik ilisimasaqarnej, Youtube.....	11
Qinnuteqaat – Saqqummersitaq Pinnerfaat, Nuummi Eqqumiitsulianik Saqqummersitsivik.....	14
Qinnuteqaat – suliniut Narsarsuaq/Sletten. Blok 1-10 my home is where my heart is (angerlarsimaf	16
Taasariaqartut allat.....	18
Imaqarniliap akuerineqarnera.....	19

Punkt 1: Saqqaa

Ileqquusumik ataatsimiinneq

Nuummi Najukkami Ataatsimiititaliaq

Oqaluuserisassat

Ataasinngorneq, ulloq 6. maaji 2019 nal. 16.30-18.30

Ilaasortat

Nivi Katrine Christensen

Arnarisoq Fleischer

Moses Masik Marcussen- Mølgaard

Ujammiugaq Engell

Poul Petersen

Finn Meinel

Aviaq Brandt

Nadia Aviaq Olsen

”Ari” Hansine P Rasmussen

Naleraq Eugenius

Pisinnaanatik nalunaartut

Nivi Katrine Christensen

Nadia Aviaq Olsen

Naleraq Eugenius

Aggersarneqarput

Esmar Bergstrøm

Arnannguaq Thiessen

Punkt 2: Ullormut oqaluuserisassat akuerineqarneri

Beslutning

Oqaluuserisassat taamatut isikkoqartillugit akuerineqarput.

Punkt 3: Nalunaarutit

Beslutning

- Allatseqarfik Nuuk Snow Festimit Najukkami Ataatsimiititaliat ilaasortaannut nioqqutissanik agguaapput.
- Allatseqarfik maajip ulluisa 27-t nal 14.00 ataatsimiinnissamut qaaqqusummik nassitsivoq Aqqaluup Aneerasaartarfiata ineriartortinneqarnissaa pillugu. Qaaqqussut Najukkami Ataatsimiititaliat ilaasortaannut tamanut kiisalu sinniisunut siullernut tulliinullu nassiunneqarpoq.
- Juunimi Najukkami Ataatsimiititaliap nalinginnaasumik ataatsimiinnissaraluarat juunip ulluisa 11-anit pisussaagaluarat juunip ulluisa 4-anut nuutsinneqarpoq Najukkami Ataatsimiititaliat juunip ulluisa 10-11-t isumasioqatigiinnissaat pissutigalugu. juuni 2019. Najukkami Ataatsimiititaliat ilaasortaannut ukiumut ataatsimiiffissat nutartikkat nassiunneqarumaarput.

Punkt 4: Ilisimatitsissutit

Punkt 4A: 2019-imi aningaasaliissutit atugassanngortinneqarsimasut pillugit killiffik

2019-imi aningaasaliissutit atugassanngortinneqarsimasut pillugit killiffik

Nuummi Najukkami Ataatsimiititaliaq 2019-imi katillugit 4.225.000 koruuninik atugassinneqarpoq. Tamatuma saniatigut inunnut qulinut qaammammut 2.124 koruuninik akissarsiaqartitsinissamut taakkunannga ilanngaasoqartassaaq, tassa ukiumut 255.000 koruuniussapput.

Taamaalilluni Najukkami Ataatsimiititaliaq 2019-imi 3.970.000 koruuninik aningaasaliissutinik atuisinnaavoq.

2019-imi aningaasaliissutit atugassanngortinneqarsimasut pillugit maajip aallartinnerani killiffiat imaappoq:

Aningaasartuutit	Aningaasat akuerisat koruuninngorlugit	Aningaasat atorineqartut/kr. [1]
Ataatsimiinnermi sutugassaqartitsineq		2710
Nuummi apummik ilusilersuineq.	120.000 koruunit tungaannut aningaasaliissutigineqarput	120.000
Oqaluttuarisaaneq pillugu allagartalersuutit	20.000 koruunit tungaannut aningaasaliissutigineqarput	6.000
Qiajuk Studio – Nuummi innuttaasunut qitittarfimmik pilersitsinissaq pillugu filmimik takutitsineq oqallinnerlu	10.000	10.000
René Design – paasissutissanik naqiterinermut	8.762	8.762
Arsaattarfii eqqaanni qullilersuineq ungalulersuinerlu (Maluginiagassaq Suliassaq naammassippat aatsaat tunniunneqassapput)	152.990 kr.	0

Qinnuteqarnej – Meqqaanut sumiginnakkanut angalatitsineq, Meeqqat Ikiortigit	12.025	12.025
Nordisk Koncertkor (Nunani Avannarlerni Erinarsogatigiit)	34.000	34.000
Nunani Tamalaani Katersugaasiviit Ulluut	26.000	26.000
Nuuk Nordisk Kulturfesitval 2019 (NAPA)	300.000	300.000
Uanga Timera – Teaterprojekt på skolerne	100.000	100.000
Suliniut Law Shifters, Nuummi Eqquitsulianik Saqqummersitsivik	60.000	60.000
Katillugit	843.777 kr.	669.570 kr.

Aningaasat atorsinnaasat	Atuineq:	Atorsinnaasat:
Kr. 3.970.000	Kr. 669.570	Kr. 3.300.430

Inassuteqaatigineqarpoq

Inassuteqaatigineqarpoq:

- Ilisimatitsissut tusaatitugit tiguneqassasoq

[1] Suliniutinut ataasiakkaanut inaarutaasumik naatsorsuusiut sillimaffigineqassaaq. Aningaasat atorneqanngitsoortut Najukkami Ataatsimiititamat utertinneqassapput

Beslutning

Aalajangerneq

Ilisimatitsissut tusaatitut tiguneqassasoq

Punkt 5: Aalajangiiffigisassat

Punkt 5A: Qinnuteqaat– Digitalimik nalinginnaasumik ilisimasaqarnek, Youtube

Qinnuteqaat– Digitalimik nalinginnaasumik ilisimasaqarnek, Youtube

Ataasinngorneq apriliip 8-aat 2019 Nuummi najukkami ataatsimiititaliaq Nuummi suliniummik aningaasaqarnermut qinnuteqaammik tigusaqarpoq, workshoppertitsinikkut oqalugiarnikkullu digitalimik nalinginnaasumik ilisimasaqarnermik inuusuttut Youtube-mik atuinerat qitiutillugu. Katillugit 130.790 koruunit qinnutigineqarput.

Suliniut 2019 ukiakkut piviusunngortinnissaa kissaatigineqarpoq

Suliniutip allaaserinerani ilaatigut allaqqavoq:

”(...) YouTube qanoq attaveqaatitut sulinermullu atorneqarsinnaava? Attaveqaatinut nutaanut qanoq ileqqorissaassaagut aamma qanoq atorsinnaavarput? Attaveqaatit nutaat qanoq ilumoorutsigissavagut, qanorlu meerartavut, inuusuttavut pilersitsisullu pikkorillutik atuisuulluarnissaannik piareersassavagut. Workshoppertitsinikkut oqalugiarnikkullu, eqqarsarluarnikkut ullormullu oqaluserisassaliornikkut taamaalorsinnaavugut.

Influencers/malinnaatitsisunik Qallunaat Nunaannit Kalaallillu Nunaannit YouTube pillugu eqqartuisinnaasunik ataatsimoortitsisinnaavugut. Attaveqaatit aliikkusersuineranut atorsinnaapput, aammali atoruminartutut sulillunilu sakkutut ajornanngitsutut atorsinnaalluni, nassiussisumit tiguisumut ataqatigiisitsisinnaasoq. Nittartakkamiinneq ukioq 2019-imi ilisimaarilluarnersammassuk angajoqqaanut pilersitsisunullu, atuarfinnut inuusuttunullu ammasumik oqallitsitsisinnaavugut. Internetsi tamaaniittuartaasalluni takkunnikuuvoq, inuunermi, ulluinnarni Kalaallit Nunaannilu takornariaqarnek qitiutillugu pilersitseqataasinnaavoq.

Kina

Lisbeth Karline Poulsen

Århus Kunstakademimi assilialiorutut ilinniarluni naammassinikuuvoq. Nuummi aaqqissuusisarnerni attaveqaatitut suliassanillu ingerlatitsisutut ataqatigiisitsisutut atorpuq. Uummannameersuuvoq.

Mia Ben-Ami

Podcasti digitalimi nalinginnaasumik ilisimasaqarnek, youtuberi, radiomi tusagassiortoq, kulturimik ingerlatitseqqiineramik, saqqummiineramik oqallinnernillu pilersitsisoq. Aammattaaq Mia Thy-mi Youtube-festivaalimi Youtuobia advicory boardedimi ilaanikuuvoq (ukiaq 2018) www.miabenami.dk

Rasmus Kolbe, Lakserytterenit ilisimaneqartoq.

Influencer, youtuber, snapchatit akissarsisinnegarnikoq. Inuit attaveqaataanni 1 millioninit amerlanerusunik malinnaaffigineqartoq. Rasmusi inuit attaveqaataanni aaqqissuusani nunarsuarmi tamarmi assigiinngitsuni arlaqartuni peqataasarpoq, assigiinngitsutigullu youtubemi inuit oqallittarfini soorlu Folkemøde, Deadline DR2-mi, radiomi 24syv-imi allanilu oqallitsitsisarluni.

Natachap (Natascha Petersen)

Kalaallit Nunaanni YouTube-mi tusaamasaq.

Instagrammimi 114.000-nit amerlanerusunik malinnaaffigineqarluni aamma 10.000-nik youtubemi malinnaaffigineqarluni inuit attaveqatigiiffianni angusaqarluarluni suliffimminik pilersitsinikuuvoq.

Johan S Jensen

Assiliisoq aamma youtuberi. Johan angalanerminik vlog-iliortarnermini ilisimaneqarluarpoq. Johan nunarsuarmi allanngueqataarusuppoq youtubekanalini paquminartunik atuutsitsiunnaarniarluni atortarlugu.

Programmi (missingiut)

Ilinniarnertuunngorniarfik meeqqallu atuarfii:

Ilinniarnertuunngorniarfimmil saqqummiineq, oqallissaarummik saqqummiineq oqallinnerlu. Oqallinneq inuiaqatigiilerinermi, kulturilerinermi, qallunaatoornermi, attaveqaatilerinermi, filosofimi faginilu atuartitsissutini oqaatsinut tunngasuni ilassutitut naleqquttuusaaq.

Atuartunut naleqqussakkamik programmi taama ittoq Nuummi Katuamilu ingerlanneqassaaq. Atuarfinnilu.

Ammasumik aaqgissuussineq:

Illoqarfiup innuttaanut pilersitsisunullu inuit attaveqaataat pillugit aaqgissuussineq. Maani digitalimik nalinginnaasumik ilisimasaqarneq inuillu attaveqaataat oqallissaarutini saqqummiinikkut oqallinnikkullu qitiutissavagut.

Workshoppit qallunaanik influencerillit sullinniakkanut assigiinngitsunut (Youtopia:

(<http://www.thy360.dk/kalender/youtopia-festival--en-youtube-festival-ithy.7952.aspx>-ikkut isumassarsianit)

Tikeraarnermittaaq qallunaat influencerinut Kalaallit Nunaat taassumalu pigisai misigitikkusuppavut. Taamaattumik piffissaliisoqarumaarpoq angalaarlutik takuniaallutik filmiornissaannut, tikeraarnerminillu videoliatik assilisatillu siammartersinnaanissaannut. Taamaalilluta Kalaallit Nunaat oqaluuserissassanut ilanngukkusupparput qallunaajaqqallu ilisimasasaqalaarnerunissaat qanillinerullugu. Neriuutaavoq Kalaallit Nunaanniittut amerlanerit isumassarsitinnissaat imaqarnerusumillu inuit attaveqaataanni pilersitseqataanissaat, kiisalu digitalimik nalinginnaasumik ilisimasaqarnissaq qitiutillugu.

Allatseqarfimmiit oqaaseqaatit

Meeqqanut Atuarfeqarnermullu Ingerlatsivik atuartut inuit internetsikkut attaveqatigiittarfianik atuinissamut tunngasumik kiisalu tassani periarfissat unammilleruminaassinnaasullu pillugit pikkorissaanissamut suliniummi aqutsisumik oqaloqatiginnileruttoq.

Meeqqanut Atuarfeqarnermullu Ingerlatsivik suleqatiginninnissamut ammavoq, isumaqarlunilu tassunga tunngasumik qaqitsinissaq pisariaqarluinnartuusoq, meeqqammi inuusuttullu akornanni atugaalluinnarpoq, taamaattoorli taakku silarsuaat aamma atuarfimmiit ilinniartitsisuniillu paasiuminaassinnaallunilu angujuminaassinnaasartoq.

Inassuteqaat

Inassutigineqarpoq:

- suliniut aningaasatigut tapiiffigineqassanersoq Nuummi Najukkami Ataatsimiititaliamit aalajangiunneqassasoq

Ilanngussat

1. Qinnuteqaat

2. Suliniutip allaaserineqarnera missingersuutillu

Beslutning

Aalajangerneq

Nuummi Najukkami Ataatsimiititaliap qinnuteqaat itigartitsissutigaat oqaasertalerlugu, qinnuteqaatip pilersaarusiernerata allaaserineranik ilanngussaq peqqissaartumik suut tamaasa ilanngussorsimannginneri patsisaallutik. Ingammik immikkut progammi sukumiinerusoq kissaatigineqartoq innersuussutigineqarpoq kiisalu saqqummiussassap imaata tigussaasunik sukumiinerusunik paasissutissaqarnissaa innersuussutigineqarluni aamma workshoppit taassumallu ilusilersornera.

Punkt 5B: Qinnuteqaat – Saqqummersitaq Pinnerfaat, Nuummi Eqqumiitsulianik Saqqummersitsivik

Qinnuteqaat – Saqqummersitaq Pinnerfaat, Nuummi Eqqumiitsulianik Saqqummersitsivik

Nuummi Najukkami Ataatsimiititat pingasunnigormat ulloq 24. april Nuummi Eqqumiitsulianik Saqqummersitsivimmit nunat avannarliit pinnerfaatiaasiannik saqqummersitsinissamat tapiissutinut qinnuteqaat tiguaat. 65.000 koruunit qinnuteqaatigineqarput.

Qinnuteqaat naapertorlugu missingersuutit katillugit 342.000 koruuniupput, kisianni pingaartumik qullernut ikkussuinissamat, ilinniartitsinermit atortussanik ineriartortitsinissamat aamma Nuummi eqqumiitsuliortut katersorneqarnissaannut Najukkami Ataatsimiititaliaq tapersiilluni tunniussivoq.

Qinnuteqaat malillugu suliniummi siunertarineqartut ilaatigut ukuupput:

”(...) Nuummi annertuumik saqqummersitsinermit pinnerfaatiaatsikkut killinik nikisitsineq - suliniut pinnerfaatiaatsimut paasinnittaatsikkut annertusitsisinnaasoq neriutiginarlunilu Nuummi tamakkulerisartunut isumassarsitsisinnaallunilu qaffatsitsissasoq. Saqqummersitsineq pilersaarutigineqarpoq oktoberimii december 2019-ip tungaanut pissasoq.

Pinnerfaatit kulturimut tigumminnittuupput inuttullu inuiaqatigiittullu kikkuumitsinnik takutitsisuullutik. Taamaattoq Nuummi Eqqumiitsulianik Saqqummersitsivimmi Nuuk Nordisk Kulturfestival 2019 ingerlanerani nutaarluinnarnik aammalu Kalaallit Nunaanneersunik pinnerfaatit qanganitsanik saqqummersitsinersuarmi ilanngussinissarput kissaatigaarput. Saniatigut saqqummersitsinermit nunani avannarlerniit pinnerfaatiaaseq saqqummersissavarput, aammalu Nunatta Katersugaasivia / Nunatta Katersugaasivia Allagaateqarfialu suleqatigalugu pinnerfaatit qanganitsat saqqummersinneqassapput.

Nuummi Eqqumiitsulianik Saqqummersitsivimmi saqqummersitavut atuartunut ilinniutitalinnik sapinngisamik najukkatsinnut naleqquttut saqqummersittarpavut, ilaqutariinnullu meerartalinnut suliasartalinnik, sisamanngornerit tamaasa saqqummersitsivimmut iserneq akeqanngilaq, pulaarfigilluarneqartarlunilu.

(...) Kulturikkut Isumassarsiorfiup akisussaaffigisaanik meeqqat atuartut atuartitaanikkut peqataatinneqassapput.

Aningaasaqarnermut Allatseqarfimmit oqaaseqaatit

Kulturi Aaqqissuussisarnermullu immikkoortotaqarfimmit oqaatigineqarpoq pilersaarussiaq pissanganartuullunilu allaasoq, eqqumiitsuliortut akornanni attaveqaatit nukittunerulernissaannut aamma isumassarsioriaatsimik nutaamik annertuumik pilersitsissasoq. Saniatigullu Eqqumiitsulianik Saqqummersitsivik ilinniutissanik pitsaalluinnartunik suliaqartarneranik ilisimaneqarluartuuvoq, atuarfiup avataani kommuniq atuartuutigisaanut nuannersunik misigisaqartitsisartumik.

Kulturi Aaqqissuussisarnermullu immikkoortortaarfik isumaqarpoq pinnerasaasioriaaseq inuuniutitut atorneqarsinnaasoq, avammut tunisisarnissamut aammalu inoqarfimmut isumassarsititsinnaanissaa eqqarsaatigalugu.

Inassuteqaat

Inassutigineqarpoq:

- suliniut aningaasatigut tapiiffigineqassanersoq Nuummi Najukkami Ataatsimiititaliamit aalajangiunneqassasoq

Ilanngussat

1 Qinnuteqaat

2. Suliniummik nassuiaat

3. Missingersuut

4 Missingersuut, eqqumiitsuliortut

Beslutning

Aalajangerneq

Nuummi Najukkami Ataatsimiititaliap qinnuteqaat akuersissutiginiarlugu aalajangerpoq siunertamullu aningaasanik 65.000 koruuninik tunniussilluni.

Punkt 5C: Qinnuteqaat – suliniut Narsarsuaq/Sletten. Blok 1-10 my home is where my heart is (angerlarsimaffiga uummatinniippoq)

Qinnuteqaat – suliniut Narsarsuaq/Sletten. Blok 1-10 my home is where my heart is (angerlarsimaffiga uummatinniippoq)

Nuummi Najukkami Ataatsimiititaliaq pingasunngornermi aprilip ulluisa 30-anni Teater Freeze Productions-ip suliniummut Narsarsuaq/Sletten aningaasanik tapiiffigineqarnissamik qinnuteqaataa tiguaa . Blok 1-10 my home is where my heart is(angerlarsimaffiga uummatinniippoq). Siunertarineqarpoq Nuummi Nordisk 2019 ingerlanneqalerpat blok 2 aamma 6 kiisalu 10-mi isiginnaartitsinerit 6-it, ukiuni kingullerni 30-ni blokkini oqaluttuassartat tunngavigalugit isiginnaagassiaasup takunneqarnissaa.

Katillugit 200.000 koruunit qinnuteqaatigineqarput.

Qinnuteqaat malillugu suliniummi siunertarineqartut ilaatigut ukuupput:

"(...) Nuummi innuttaasunit namminneq illoqarfigisamik "uummataa" allatut oqaluttuarineqartoq misigineqarnissaa. Nuuk Nordisk-imut pulaartut tamarmik Nuup aamma Kalaallit Nunaata oqaluttuassartaa nutaajunerusoq paasisaqarfigissavaat.

(...) isiginnaartitsisartut peqatigalugit aamma peqataasut tamaasa ilagalugit Nuummi innuttaasut aallaqqaammulli blokkiniissimasut (1-10) eqqaaniluunniit inuusimasut oqaluttuassaannik katersuissapput. Meeqqerivinni angisuuni atorpeqanngitsuni marlunni blok 2-mi aamma 6-imiittuni kiisalu najugaqartut katerisimaartarfiini isiginnaartitsisassaagut, initai inissiami initut aaqqissorlugit.

Isiginnaartitsinerit minutsit 30-t missiliorlugit sivisussuseqassapput, taakkulu ullut tamaasa sapaatip akunnerata ingerlanerani piffissani assigiinngitsuni Nuuk Nordisk festivaleqarnerani takutinneqartassapput, taamaalilluni kikkut tamarmik isiginnaartitsinerimik takusaqarsinnaaniassammata. Isiginnaartitsisoqarnerit tamaasa inunnut 35-40-t missaannut inissaqartassaaq.

Suliniut Nuummut tassanilu najugalinnut assorsuaq asanninnermik tunngaveqartumik pilersinneqarpoq,- kissaatigalugulu neriuutigivarput taamatut toqqaannartumik akuutitsinitsigut immitsinnut ilisarisimanerulissasugut aamma sumiiffimmi isiginnaartitsisussaanerput pillugu. Festivaleqarnerata nalaani avataaniit tikeraartut Nuup aamma Kalaallit Nunaata allatut misigisaqarfigissagaat neriuutigivarput.

Isiginnaartitsisartut innuttaasut akornannukartissavagut illoqarfiullu ilaani taakku immikkoortumi najugaqarfiini naapillugit oqaloqatigissavagut. Innuttaasut peqatigalugit aamma ornillugit eqqumiitsuliornikkut takutitsinitsigut, isumaqarpugut ataatsimoornermik misigissuseqartitsisinnaassalluta – immikkuullarissumik misigisaqarnikkut nutaamik eqqaamasagaqatigiinnermik nutaamillu oqaluttuariaaseqarnermik pilersitsisumik misigisaqartitsisinnaavugut - immaqalu - pitsaanagerusumik inuuneqalerluta.

Tamannalu siunissami suliniutinik assingusunik, misigissutsinut allanullu tunngasunik, pilersitserusulernermik kinguneqarsinnaavoq. Immikkoortuni, ilaatigut sakkortuuni tujorminartunilu, eqqumiitsuliornermik pilersitsisarnissarput pingaaruteqartuuvoq. Inoqarpormi kusanartunik aammalu sakkortuunik oqaluttuassalinnik. Ataatsimoorluta misigisimaqatigeeqqilernitsigut eqqaamasat nutaat aamma pilersinneqassapput,- Nuuk aamma Kalaallit Nunaat pillugit ataatsimut eqqaamasassavut."

Inassuteqaat

Inassutigineqarpoq:

- suliniut aningaasatigut tapiiffigineqassanersoq Nuummi Najukkami Ataatsimiititaliamit aalajangiiffigineqassasoq

Ilanngussaq

1. Qinnuteqaat missingersuutitalik

Beslutning

Aalajangerneq

Nuummi Najukkami Ataatsimiititaliap qinnuteqaat akuersissutigineqassasoq aalajangerpoq siunertamullu aningaasanik 200.000 koruuninik tunniussisoqassasoq aalajangerlugu.

Punkt 6: Taasariaqartut allat

Beslutning

- Aviaq Brandt: Aasamut illoqarfiup meerartaanut tamanut aqqusinermi nalliuttorsiortitsinissaq aqqissuunniarlugu eqqarsaatersuutigineqarpoq.
- Arnarissoq Fleischer: Issiavinnik takisuunik eqqaavinnillu allaanerulaartunik ikkussuinissamut pilersaarusiornissamut aallartisaasoqarsinnaanersoq misissuiniarpoq.
- Moses Masik Marcussen-Mølgaard: Ilinniartut illussaannik suli pilersitsiniarluni suliniuteqarpoq Hotel Nuummilu misileraalluni aallarnisarnissaq kissaatigaa. Moses isumasioqatissaminik pisariaqartitsivoq suliniutillu ingerlateqqinnissaanut ikiortissamik pisariaqartitsilluni ilaatigut aningaasaqarnermut ingerlatsinissamullu aaqiissutissamut tunngatillugu.
- Sammisassaqtitsinermit pilersaarut: Najukkami Ataatsimiititaliaq piffissamut ungasinnerusumut pilersaarusiornissaq pillugu oqallinnissamut piffissamik ujartuissaaq tassani Najukkami Ataatsimiititami namminneq suliniutiminnit aallaavillit pineqassapput (sammisassaqtitsinissamut pilersaarut). Taassuma eqqartornissaanut tulliani nalinginnaasumik ataatsimiinnissaq juunip ulluisa 4-maat pisussaq sivitsorlugu pinissaa siunnersuutigineqarpoq, akunnermik ataatsimik sivitsorlugu taamaalillunilu aatsaat nal 19.30 ataatsimiinnissaq naammassillugu.
- Allatseqarfiup unnukkorsiutinik nerinissaq isumagissavaa.
- Esmar Bergstrøm: Ikaartarfinnut tulattarfinnullu inoqarfinni inuerunnikunut nunaqarfinnullu tunngasut Najukkami Ataatsimiititaliap pitsanngorsaaqataarusunnini pillugu periarfissanik misissuinnissaq eqqarsaatersuutigaa. Innuttaasut utoqqaanerusut pitsorluttullu nunamut ikaarsinnaajunnaarnikuupput atuisunullu tamanut pissutsit ajorluinnartut isumannaallisaanermut ulorianartorsiortitsipput taakku ilagaat meeqqat lejerskolerniartut/aasarsiorniartullu.

Punkt 7: Imaqarniliap akuerineqarnera